

სსიპ – ივანეჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტზე ასოცირებული პროფესორის სამსახურში მისაღებად რექტორის 2022 წლის 26 იანვრის ბრძანება №:17/01-01 საფუძველზე - ბიოლოგიის დეპარტამენტი, ბიოქიმიის კათედრა - გამოცხადებული კონკურსის ჩატარების უზრუნველსაყოფად უნივერსიტეტის აკადემიური საბჭოს 2022 წლის 31 იანვრის №3/2022 დადგენილების პუნქტი 1-ის საფუძველზე დამტკიცებული კომისიის სხდომის

შემაჯამებელი ოქმი

ქ. თბილისი

„17“ მარტი, 2022 წ.

17:00

სხდომას კომისიის 5 წევრიდან ესწრებოდა 5 წევრი: 1. პროფ. დიანა ძიძიგური (კომისიის თავმჯდომარე); 2. პროფ. ნანა კოშორიძე (კომისიის თავმჯდომარის მოადგილე); 3. ასოც. პროფ. მანანა გორდუხიანი (კომისიის მდივანი), 4. ასოც. პროფ. ირინა მოდებაძე, 5. ასოც. პროფ. ბუციკო ჩხარტიშვილი.

დღის წესრიგი:

1. ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის ბიოლოგიის დეპარტამენტზე, კათედრა ბიოქიმია, ასოცირებული პროფესორის ვაკანსიაზე (კატეგორია „ა“) გამოცხადებული კონკურსის ჩატარების შედეგების შეჯამება.

2. კონკურსის შედეგების ამსახველი შემაჯამებელი ოქმის უნივერსიტეტის აკადემიური საბჭოსთვის დასამტკიცებლად გადაცემა.

მოისმინეს:

კომისიის თავმჯდომარის პროფესორ დიანა ძიძიგურის ინფორმაცია კომისიის მიერ კონკურსის ორივე ეტაპის შედეგების განხილვის საფუძველზე მიღებული გადაწყვეტილებებისა და კონკურსის შედეგების ურთიერთშეჯამების შესახებ. კომისიის თავმჯდომარემ აღნიშნა, რომ კონკურსსანტ ელენე დავითაშვილის განათლება, აკადემიური/სამეცნიერო ხარისხი, სამსახურებრივი გამოცდილება და პედაგოგიური სტაჟი - 6 წელზე მეტი, შეესაბამება ვაკანსიის პროფილს და სრულად აკმაყოფილებს მოთხოვნებს. შესაბამისად კონკურსსანტმა I კატეგორიის (ფორმალური კვალიფიკაციის შესაბამისობა ვაკანსიის პროფილთან) მიხედვით მიიღო შეფასება „კვალიფიკაცია აკმაყოფილებს მოთხოვნებს“.

II კატეგორია - პედაგოგიური გამოცდილების შესაბამისობა ვაკანსიის პროფილთან - აღნიშნა, რომ კონკურსსანტის პედაგოგიური გამოცდილება (1999 წლიდან დღემდე თსუ-ში სხვადასხვა დროს ეკავა პროფესორის, ასისტენტ-პროფესორის, ასოცირებული პროფესორის თანამდებობები) და საერთო პედაგოგიური სტაჟი, სასწავლო-მეთოდური საქმიანობა (მონოგრაფია/დამხმარე სახელმძღვანელო: „სისხლის ბიოქიმია იმუნოლოგიის საფუძველებით“. 2005წ; ელექტრონული სასწავლო კურსები -, სასუნთქი სისტემის ბიოქიმია“, „გლიკობიოლოგია“, „მცენარეთა ბიოქიმია“, „თანამედროვე მეთოდები ბიოლოგიაში, ბიოქიმია“), მის მიერ წაკითხული სასწავლო კურსები ვაკანსიის პროფილის შესაბამისია და ბიოლოგიის დეპარტამენტის საბაკალავრო და სამაგისტრო პროგრამების სავალდებულო საგნების ნუსხაში შედის. წარმოდგენილი სილაბუსების შინაარსი და ფორმა სრულად შეესაბამება თსუ-ში დადგენილ მოთხოვნებს. შესაბამისად, კომისიის გადაწყვეტილებით II კატეგორიის მიხედვით კონკურსსანტმა მიიღო შეფასება „მაღალი“.

III კატეგორია - სამეცნიერო - კვლევითი საქმიანობა - კომისიის თავმჯდომარემ აღნიშნა, რომ კონკურსსანტს წარმოდგენილი აქვს იმპაქტ-ფაქტორის მქონე სამეცნიერო ჟურნალებში გამოქვეყნებული 8 სამეცნიერო პუბლიკაცია, ბოლო 6 წლის მამილზე იგი მოხსენებებით წარსდგა 3

ადგილობრივ და 1 საერთაშორისო სამეცნიერო კონფერენციაზე, მონაწილეობა მიიღო 1 საგრანტო პროექტის მუშაობაში. ე. დავითაშვილის ციტირების ინდექსია 34, h-4, g-5, მისი სამეცნიერო კვლევების კონცეფციის სტრუქტურა და შინაარსი პროფილის შესაბამისია და სრულად აკმაყოფილებს მოთხოვნებს. შესაბამისად, საერთო შეფასება III კატეგორიის ორივე ნაწილის მიხედვით არის „მაღალი“.

IV კატეგორია: სხვა სახის აქტივობა (ბოლო 6 წელი). ბოლო ექვსი წლის განმავლობაში კონკურსანტი იყო 3 საბაკალავრო და 3 სამაგისტრო ნაშრომის ხელმძღვანელი, დოქტორანტების სამეცნიერო-კვლევითი და სასემინარო ნაშრომების შეფასების კომისიის მდივანი, აკად. პ. ქომეთიანის სახ. სამეცნიერო კონფერენციის საორგანიზაციო კომიტეტის მდივანი, აქვს კომპიუტერთან მუშაობისა და სხვადასხვა კომპიუტერული პროგრამის გამოყენების უნარი. ელენე დავითაშვილის საერთო შეფასება IV კატეგორიის ორივე ნაწილის მიხედვით არის „მაღალი“.

შეფასების მეორე ეტაპი - გასაუბრება - კონკურსანტმა უპასუხა კომისიის წევრების მიერ დასმულ შეკითხვებს, გასაუბრების პროცესში გამოვლინდა პრეტენდენტის სამეცნიერო ინტერესები, ზოგადად დარგის განვითარებისა და საგანმანათლებლო პროგრამების სტრუქტურულ-ორგანიზაციული მოწყობის მისეული ხედვა. გამოჩნდა უნივერსიტეტის სტრუქტურის, სასწავლო პროცესისა და საუნივერსიტეტო სტანდარტების ცოდნა. კონკურსანტის პიროვნული თვისებები.

შეფასების პირველი და მეორე ეტაპების შედეგების ურთიერთშეჯერების საფუძველზე კონკურსის გამარჯვებულის გამოვლენის მიზნით ჩატარებული ფარული კენჭისყრის შედეგები ასეთია:

ელენე დავითაშვილი - 5 მომხრე, არცერთი წინააღმდეგი.

დაადგინეს:

ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის ბიოლოგიის დეპარტამენტზე, კათედრა - ბიოქიმია - ასოცირებული პროფესორის ერთ ვაკანსიაზე (კატეგორია „ა“) გამოცხადებული კონკურსის I (ოქმები #1) და II (ოქმი #2) ეტაპების შედეგების საფუძველზე გამარჯვებულად გამოვლინდა შემდეგი კანდიდატი:

ბიოლოგიის დეპარტამენტი

კათედრა - ბიოქიმია

ელენე დავითაშვილი -ასოცირებული პროფესორი

2. კომისიამ იმსჯელა უნივერსიტეტის აკადემიური საბჭოს მიერ #118/2014 დადგენილებით დამტკიცებული აკადემიური პერსონალის სამსახურში მიღებისა და კონკურსის ჩატარების წესის შესახებ და ერთხმად დაადგინა - შემაჯამებელი ოქმი გამოქვეყნდეს საჯაროდ უნივერსიტეტის ვებ გვერდზე და დასამტკიცებლად გადაეცეს უნივერსიტეტის აკადემიურ საბჭოს.

კომისიის წევრების ხელმოწერა

თარიღი 17.03.2022

კომისიის თავმჯდომარე, პროფ.

კომისიის თავმჯდომარის მოადგილე, პროფ.

კომისიის მდივანი, ასოც. პროფ.

კომისიის წევრი, ასოც. პროფ.

კომისიის წევრი, ასოც. პროფ.

/დ. ძიძიგური/

/ნ. კოშორიძე/

/მ. გორდუზიანი/

/ ი. მოდებაძე/

/ბ. ჩხარტიშვილი/